

Visoki predstavnik pozdravlja odluku da se ojačaju kapaciteti EUFOR-a



Visoki predstavnik Christian Schmidt izričito pozdravlja odluku da se ojačaju privremene rezervne snage pri misiji EUFOR-a Althea u cijeloj Bosni i Hercegovini, čime se u značajnom obimu povećavaju kapaciteti i prisutnost EUFOR-a.

„Ova odluka naglašava opredijeljenost međunarodne zajednice za integritet i stabilnost države Bosne i Hercegovine i njenih institucija, koji se zasnivaju na Općem okvirnom sporazumu za mir. Ovoj državi je mjesto u Evropi. EUFOR Althea i visoki predstavnik odlučno će je pratiti na njenom putu ka evropskim integracijama“, rekao je visoki predstavnik Christian Schmidt.